

# Bilten o radnom opterećenju u poslovima održavanja i čišćenja



Septembar 2020


Svezak 2 Izdanje 6

Ove godine je urađen Upitnik o radnom opterećenju domara: Imali smo 660 odgovora--od domara iz cijele države Washington koji su učestvovali u upitniku online, e-poštom i telefonom. Hvala svima koji su učestvovali!

U ovom izdanju biltena, želimo podijeliti neke rezultate i naglasiti neka pitanja koja su naročito važna za vaše zdravlje kada radite tokom pandemije virusa COVID-19.

## KO SU ISPITANICI OVOG UPITNIKA:

- 660 domara, to jest radnika na poslovima održavanja i čišćenja
- 56% žena
- Prosječna starost: 45 godina
- Upitnik je bio dostupan na osam (8) jezika.
  - Španski i vijetnamski jezik su bili najzastupljeniji korišteni ne- engleski jezici.
- 29% su članovi sindikata





## Neki preliminarni rezultati:

- Gotovo 20% domara koji su odgovarali na naš upitnik je izjavilo da su bili izloženi povredi na poslu tokom proteklih 12 mjeseci.
  - Ovo je više nego što obično prijavljuju radnici na drugim poslovima.
- Domari takođe izjavljuju da rade naporno i brzo i bez dovoljno hemijskih sredstava/opreme za dobro obavljanje njihovog posla:
  - 91% izjavljuje da radi "vrlo brzo", ponekad ili često
  - 17% izjavljuje da gotovo nikada ili rijetko imaju "dovoljno vremena da dovrše svoj posao"
  - 18% izjavljuje da nema dovoljno ljudi kako bi se sav posao obavio često ili svakodnevno
  - 15% je izjavilo da postoji "vjerovatnoća ili velika vjerovatnoća" da se pokliznu, prevrnu ili padnu za vrijeme njihovih normalnih radnih aktivnosti
  - "Žurba" je jedan od vodećih prijavljenih uzroka
  - 33% je ocijenilo da je kvalitet njihovog alata ili opreme "loš" ili "solidan".
  - 35% je izjavilo da to negativno utiče na njihov posao (jer izaziva usporavanje ili im otežava rad)
  - 14% je izjavilo da nisu dobili sredstva za čišćenje odgovarajućeg kvaliteta

Ovi rezultati su slični onima iz upitnika za više od 500 čistača u Australiji, u kojem je 91% osoba izjavilo da moraju žuriti s poslom, a 80% je izjavilo da nemaju dovoljno opreme za čišćenje kako bi kvalitetno obavili posao (United Workers Union, Australia).<sup>1</sup>

U narednim mjesecima ćemo pomnije pratiti ove probleme.

Proučićemo sveukupne rezultate ovog upitnika i pružiti najnovije informacije; one će biti objavljene na web stranici [Upitnik o radnom opterećenju domara](#) i objavljene u našem biltenu – [prijavite se ovdje!](#)

\* Imajte na umu da smo ažurirali naš sistem numerisanja – molimo potražite naše starije publikacije prema njihovim jedinstvenim brojem publikacije kako bi se izbjegla zabuna. Zahvaljujemo našim čitaocima na njihovim informacijama!

<sup>1</sup> [Upitnik za čistače: Nedovoljno vremena za osnovno čišćenje tokom korona virusa; United Workers Union, Australia. Maj 2020.](#)